

Phomolo ea Sabatha



SABATHA MANTSIBOEA

Bakeng sa boithuto ba beke ena, bala: *Gen. 1:26, 27; Gen. 9:6; 2 Pet. 2:19; Ba-Roma 6:1–7; Exoda 19:6; John 5:7–16.*

Temana ea Khopolo: “Ho tla sebetsoa ka matsatsi a tšeletseng, empa letsatsi la bosupa ke Sabatha ke letsatsi la bosupa ke Sabatha ke letsatsi la phomolo; ka lona phutheho e halalelang e tla ba teng. Le se ke la sebetsa mosebetsi leha o le mong; ke Sabatha ea Jehova meahong ea lōna kaofela” (*Lev. 23:3*).

Re utloa likhang ka mefuta khahlanong le ho boloka Sabatha ea letsatsi la bosupa, na ha ho joalo? Re li utloa ka mefuta, ho tloha ho hore Jesu o fetotse Sabatha ho isa ho Sontaha, kapa Jesu o felisitse Sabatha, kapa Paulose o e fetotse, kapa hore baapostola ba fetotse letsatsi la bosupa la Sabatha ho le isa ho la Sonataha e le ho tlotla tsoho ea Jesu, le tse ling tse joalo. Lilemong tsena, likhang tsena li hlalefile hoo li seng li kenuelsetsa bo hore Jesu ke phomolo ea rōna ea Sabatha, 'me ka hona ha re sa hloka ho nka tsatsi lefe kapa lefe le halalela. 'Me le joale, kamehla ho tla lula ho ntse ho na le khang, tse makatsang ka hore ha re phomola ka letsatsi la bosupa re sebeletsa ho ea leholimong.

Ka lehlakoreng le leng, Bakreste ba bang ba se ba e-ba le thasello ea taba ena ea phomolo, ea letsatsi la phomolo, leha ba etsa khang ea hore letsatsi leo ke Sonataha kapa letsatsi ha le na taba, ba e nkile tabeng ea Bibe le ea phomolo le bohlokoa ba eona.

Re le baleti re utloisisa bo sa feng ba molao oa Molimo le hore kutlo molaong oa bone, joalo kaha o baleha, ha se ho sebetsa tsela ea rōna e isang leholimong ho feta ho ba le kutlo joalo fela ka molao oa bohloko, oa botšelela, oa pele, kapa molao ofe kapa ofe.

Bekeng ena re tla sheba haholo phomolong eo Molimo a re fileng eona molaong oa Sabatha le hore na ke hobaneng e le bohlokoa.

**Bala thutoea beke ena ho lokisetsa Sabatha sa la 4 Loetse.*

Sabatha le Tlholeho

Hara melao e le shome, ke oa bone fela o qalang ka lentsoe “Hopola.” Ha se, “Hopola, u se ke oa utsoa,” kapa “Hopola, u se ke oa lakatsa.” Ho na le feela “Hopola letsatsi la phomolo ho le khetha...”

Taba ea “ho hopola” e lekanya taba e kileng ea ba teng nalaneng, e lekanya hore se seng se kile sa etsahala nakong e fetileng seo, joale, re lokelang ho se, hopola. Ha re hopola, re hokahana le tse fetileng, 'me “Hopola letsatsi la phomolo ho le khetha” e tšoaea mola o otlolohileng ho isa morao tlhohong.

Bala *Genese 1:26, 27 le Genese 9:6. Litemana tsee li re ruta eng ka moo re khethehileng ka teng re le batho, le ka moo na re fapaneng haholo le tlhohleho ea lefatšeng ea Molimo? 'Me hape, ho bohlokoa ha kae hore re utloisise phapano ee?*

Ha re hopola tlhohleho, re hopola hore re entsoe ka setšoantšo sa Molimo, e leng ntho eo ho sa buuoeng ka eona linthong tse ling tlaleho ea tlhohleho. Ho hlakile re le batho re fapane hole le libopuoa tse ling tse lefatšeng, ho sa tsotellehe hore na re na le lintho tse tšoanang ha kae le tse ling tsa liphoofofo. 'Me khahlanong le bolumeli bo bong, ha re litšoene tse tsoetseng pele kapa tse fetohetseng boemong bo bong bo phahameng. Re le batho, ba entsoeng ka setšoantšo sa Molimo, re khethehile hara tsohle tseo Molimo o li entseng lefatšeng.

Ke joang pale ea tlhohleho e re hopotsang likamano tsa rōna le tlhohleho? Genese 2:15, 19.

Ho hlokomela hore Molimo hape o bopile lefatše la rōna ho re hopotsa boikarabello ba rōna ho tlhohleho. Re lokela ho “busa” holima tlhohleho. Ha busa ha ho bolele ho tlatlapa. Re lokela ho busa re le batšoareli ba Molimo. re amane le tlhohleho joalo ka ha Molimo a ka etsa.

E, sebe se sentse le silafatsa ntho tsohle, empa lefatše lena e ntso 'mopo oa Molimo, 'me ha ho letho re fang tokelo ea ho le tlatlapa, haholo tlatlapong ea batho ba bang, e leng se etsahalang hangata.

Ntle le ho ba sehopotso sa tlhohleho ea Molimo, ke ka litsela life poloko ea Sabatha e ka re thusang ho ba hlokolosi haholo thokong ea ho re lokela ho ba liqhoku tse ntle tsa tlhaho?

Ho Keteka Tokoloho

Joalo ka ha re bone pejana, Sabatha e supa ho hongata ho feta fela matsatsi a tlhohleho. Lekhetlo la bobeli re utloa ka melao e shome, Moshe o hlomp Holla lilemo tse mashome a mane tsa Iseraele lefelleng. Khethong lena, polelo e lelekellang lebaka la ho boloka Sabatha e halalela ha se tlhohleho empa tokoloho bokhobeng le jokong ea bohlanga Egepeta (*Deut. 5:12–15*).

'Me leha kajeno, re se makhoba Egepeta, re ka tobana le mofuta o mong oa bokhoba, o mong oo ka litsela tse ling, e ka bang oa khatello.

Ke mekhoa ea bokhoba eo re tobanang le eona kajeno? Bala Genese 4:7, Ba-Heberu 12:1, le 2 Peterose 2:19.

Sabatha ke ho keteka tokoloho linthong tsohle tse bolokang re tšoasehile. Ka Sabatha, re hopotsoa ho re ho na le tokoloho sebeng, e seng ka matla a rōna empa ka matla a Molimo ao re a fuoang ka tumelo. Hape re hopotsoa hore ena ke tokoloho eo re sa e sebeletsang. Matsibolo a bana ba-Iseraele a ile a bolokeha ke mali a neng a tlotsitsoe likoseneng shoalaneng ea pele ho phallo ea bona Egepeta (*Exoda 12*). Le rōna re pholositsoe ka mali a konyana, 'me joale re lokela ho tsamaea tokolohong e ho Krete Jesu.

Bala Ba-Roma 6:1–7. Paulose o re mo e ka amahanngoang le seo re se boneng ho Sabatha?

Ka mantsoe a Deuteronomi 5:15— "U hopole hobane u bile mofu fatšeng la Egepeta, le hobane Jehoba Molimo oa hao, o u ntšitse teng ka letsoho le matla, le kaletsoho le otlohohileng"—sechaba se hopotsoa hape, hore e bile mosebetsi le matla a Molimo lebitsong la bona ba pholositsoeng. Ke haholo ha ka kang ka rōna re le Bakreste, re hlokomelang hore ke tšebetso le matla a Krete molemong oa rōna a re pholositsoeng sebeng?

Molao ona o re bolella ho phomola topollong eo Molimo a re fumanetseng eona ka letsoho la hae le matla. Re lokolloa litekong tsa rōna tsa ho itokafatsa ha re hopola hore Molimo ke 'mopi le hore ka mo tšepa hore bopa-bocha, le ho re lokolla, le joale, ho tsoa litlamong tsa sebe ha re rata ho mo lumella ho sebetsa ka ho rōna.

Maiphihlelo a hao e bile afe ka bokhoba ba sebe? ke joang re ka ithutang ho beha hantle litšepiso tseo re li filoeng ho Jesu tsa tokoloho bokhobeng?

Moeti ea ka Menyakong ea Hao

Bala Exoda 19:6. Temana ee e re bolella eng ka boemo ba Iseraele ea mehlang?
(*Sheba hape 1 Pet. 2:9.*)

Iseraele e bitsitsoe ho tsoa Egepeta ho ba sechaba sa Molimo sa selekane, sechaba seo, hoja se tšepahetse, Evengeli e ka be e ile ka lefatše lohle. Ha ho tika-tiko, e ne e le ba hlokometsoeng ke Molimo ka tsela e khethehileng, le ho fuoa menyetla e khethehileng, ka mokhoa o tšoanang le ho fuoa boikarabello bo khethehileng.

Bala Exoda 23:12. Ke eng hape se etsahalang mo? Temana ee e re ruta eng ka hore Molimo o ne a sheba joang ba bang ntle le ba-Iseraele ka bo bona?

Ho akaretsa hoa Sabatha ke ntho e 'ngoe eo batho ba lahleheloang ke eona. Phoso e tloaelehileng ke ea hore e ne le ea ba-Juda fela, phoso e behelloang kathōko ke likhaolo tse peli tse qalang tsa Genese. Molimo o etse batho bohle; ka hona, batho bohle ba lokela ba hopole letsatsi la Sabatha.

Leha kamehla re lokela ho kenya kelellong seo Sabatha e se emelang ho rōna, re lokela ho hopola hape, seo e lokelang ho re bolella sona ka ba bang. Ka tsela eo, phomolo ea rōna le ho amana le 'mopi ebile e le Mopholosi ho tla re susumeletsa ho sheba ba bang ka mahlo a macha, ho ba bona e le libopuo tse entsoeng ke Molimo o tšoanang le oo re entseng, le ho ratoa ke Molimo o tšoanang le o re ratileng le ho re shoela rōna le bona. Joalo ka ha re bone (*Exoda 20:10, Deut. 5:14*), bahlanka, baeti, le liphoofole li lokeloa ho fuoa phomolo ea Sabatha.

Hore le baeti ba ka menyakong ea hao, ke hore ba so kang ba nka karolo litšepisong tsa selekane tse fanoeng ho Iseraele—hore le bona ba lokela ho natefeloa ke phomolo ea Sabatha e re bolellang ho hongata. Batho, le tsona liphoofole, ha li ea lokela ho tlatlapuo, ho hleketsoa, kapa ho li nkela monyetla. Beke le beke, sechaba sa ba-Heberu (le rōna) se lokela ho hopotsoa ka matla ka hore na re tšoana ha ka kakang le batho ba bang, leha re natefeloa ke litlhohonolofatso le menyetla eo ba bang ba se nang eona, re lokela ho hopola hore re ntse re le karolo ea moloko oa batho o tšoanang, le hobane re lokela ho tšoara ba bang ka hlomphe le hlompheho.

Ke joang poloko ea hao ea Sabatha, mohlomong e bileng tlhohonolofatso ho ba sa bolokeng Sabatha? Ke hore, ke joang u ka bolokang Sabatha e le paki ho ba bang?

Ho Sebelelsa ba bang Ho Hlompha Sabatha Sa Molimo

Testamenteng e Ncha, baetapele ba bolumeli ba ne ba theoletse poloko ea Sabatha tlase. Ho ne ho na le lithobela tse 'malo le melaoana e thehiloeng ho thusa ho boloka Sabatha e Halalela.

Sena se ne kenyeletsa thibelo ea ho fasa kapa ho fasolla eng kapa eng, ho arola likhoele tse peli, ho tima mollo, ho tlosa ntho sebakeng se seng ho ea ho seng, kapa ho tsamaisa ntho mapatleong sebaka se fetang maoto a itseng.

Ke qoso e fe e tlišoang khahlanong le Jesu ho Jesu ho Johanne 5:7–16?

Ba sa natse mohlolo o hlollang oo Jesu a entseng le tokoloho bokuling eo a e fileng monna enoa, baetapele ba ne ba khathalitsoe ke hore motho ea folisits'oeng o jere likobo ka Sabatha. Ho e na le ho bona ka moo “Morena le oa Sabatha” (*Mareka 2:28*) sebelisang letsatsi lena le khethehileng, baetapele ba ne tsekeletse ho tšoarella melaoaneng ea bona. Re hloka ho ba hlokolosi hore ka litsela le maemo a rōna re se etse liphoso tse tšoanang.

Ke joang Esaia 58:2, 3 a tekang hantle leano la Molimo la poloko ea Sabatha?

Molimo ha a batle khumamelo e senang letho kapa e khutsitseng. O batla ho bona sechaba sa hae se kenella bathong, haholo ba khesoang.

Esaia o hlakisa sena ho Esaia 58:13, 14: “Ha u ka thibela maoto a hao hore a se ke a senya Sabatha, ua tela mosebetsi oa hao ka letsatsi la ka le khethehileng; ha u ka bitsa Sabatha letsatsi la thabo, letsatsi le khethehileng la Jehova ua le bitsa kahliso ea hao, ua le hlompha ka ho lesa ho ea ka litsela tsa hao, le ka ho se bue lipuo tsa lefeela; ke moo u tla ithabela ho Jehova, 'me ke tla u haolisa liphahameng tsa naha joalo ka eka u kaletse pere; u tla ja lefa la Jakobo, ntat'ao moholo, hobane molomo oa Jehova o boletse joalo” (*Esa. 58:13, 14*).

Ho ea ka “litsela” tsa rōna (*Esa. 58:13*, kapa “litakatso tsa rōna,” joalo ka ha *NRSV* e toloka mona) ho lekana le ho “senya Sabatha” (*NRSV*). Litsela tsa batho ha se karolo ea lintho tse loketseng tsa Sabatha ea Molimo. Empa, re biletsoa ho sheba ba sokolang, bao e leng makhoba, ba lapileng le ba hlobotseng, le ba tsamaeang lefifing le bao hoseng motho ea hopolang mabitsa a bona. Ho feta matsatsi ohle a mang a beke, Sabatha e lokela ho re ntša bo-rōna le boikhanthšo le ho etsa hore re nahane ka ba bang le bohloki ba bona ho feta ho icheba le bohloki ba rōna.

Pontšo ea Hore re ba Molimo

Nakong ea ntoa ea bobeli ea lefatše, Englane e ne e lebeletse ho hlaseloa hang ke mabotho a Geremane. Litlhopho li ile tsa etsoa ho sireletsa sehleke-hleke sa lehae ka moo ho ka khonehang kateng. Mekhoa e meng ea tšireletso ea kenngo a mabopong. Litsela, le joale lit la fa sera mekhoea e potlakileng ho ba kenela, 'me kahona, li ile tsa koaloa libakeng tse itseng tsa bohlokoa. Ba matleng Engelane ba etsa se seng se makatsang. E le ho fokotsa sekhala sa sera le ho se ferekanya, matšoao seporong sa terene a tlosoa le litseleng. Matšoao a neng a ngotsoe majoeng kapa mehahong ha a ka a tlosoa empa ba a koahela ka samente.

Matšoao a bohlokoa. A sebetsa e le lipontšo ho tataisa. Khale pele ho li-GPS, bohle re ne re na le limmapa le ho sheba matšoao.

Sabatha ke pontšo e eng? Bala Exoda 31:13, 16, 17. Ke ka tsela life re ka sebelisang se boleloang moo molemong oa rōna kajeno, batho ba lumelang molaong oa Molimo oa ka hosa feleng?

Leha mantsoe a builoe ka kotloloho le Iseraele ea mehleng, rōna ba ba-Kreste bao re leng “leloko la Abrahama le majalefa ka pallo” (*Ba-Gal. 3:29*), 'me Sabatha kajeno e setse e ntsa e le pontšo lipakeng tsa Molimo le sechaba sa hae. Exoda 31 e supa hore Sabatha ke pontšo ea selekane se sa feleng (kapa sa ka ho sa feleng) (*Exoda 31:16, 17*). Letšoao lena le re thusa ho “tseba” 'mopi oa rōna, le mopholosi oa rōna, le mohalaletsi oa rōna. Le joalo ka folakha e emisoang letsatsi le le leng la bosupa 'me le sebetsa ho re thusa ho hopola, ka ha re ba lebalang.

Sabatha ea Molimo ke sehopotso sa kamehla sa hore na re tsoa kae, le sa tokoloho ea rōna, le sa moo re eang teng, le boikarabello ba rōna ho ba khesoang. Ha e le hantle, Sabatha e bohlokoa hoo, ho e na le ho re rōna re ee ho eona, eona e tla ho rōna, beke le beke e sa khethe, sehopotso sa kamehla sa hore na re bo mang, le hore o re etsetsa eng, le seo a tla re etsetsa sona qetellong ha a etsa leholimo le lefatše le lecha.

Molimo ea Halalelang o memela batho ba selekaneng 'moho le eena ho ela hloko morethetho o busang se bohlokoa—likamano tse phalolang lipakeng tsa 'mopi le mopholosi le tlhohleho ea hae e satalalitseng melala. Beke le beke, ka matla le a tsoang ho Molimo, re laeloa ho kena phomolong eo re filoeng ho se tefo ka Krete Jesu, “moqali le mophethi oa tumelo *ea rōna*, ea mameletseng sefapano ka baka la thabo eo a e behetsoeng” (*Ba-Heb. 12:2*).

Ke joang re ka ithutang ho ba le maiphihlelo a tebileng le Molimo ka Sabatha?

Ho Ithuta Haholoanyane: “Leha boleleng ba beke re lokela ho boloka Sabatha likelellong tsa rōna bekeng ena le ho etsa litlhopho tsa ho e boloka ho latela molao. Ha re ea lokela ho boloka Sabatha fela tjee e le molao o tlamang.”—Ellen G. White, *Testimonies for the Church*, vol. 6, p. 353.

“Leholimo lohle le boloka Sabatha, empa e seng ka ho etse letho. Ka letsatsi lena matla ohle a mora a lokela a tsohe, hoba na ha re tlo kopana le Molimo le Kreste mopholosi oa rōna na? Re ka sheba ho eena ka tumelo. O labalabela ho re nchafatsa le ho hlohonolofatsa moea o mohg le o mong.”—Leqephe 362.

“Tse hlokoang ho Molimo ka Sabatha li fetisa tseo a li batloang matsatsing a mang a beke. Sechaba sa hae se tlohela mesebetsi ea sona e tloaelehileng, le ho nka nako khumamelong le thapelong. Ba bopa mahauhelo e mengata ho Molimo ka Sabatha ho feta ka matsatsi a mang. Ba hloka hore a shebane le bona ka tsela e khethehileng. Ba labalabela litlhohonolofatso tsa hae tse khethehileng. Molimo ha a emele hore Sabatha se fete pele a fihlela likopo tsena. Mosebetsi oa leholimo ha o khaotse, 'me batho ha ba lokela ho phomola ho etseng hantle. Sabatha ha se ea rereloa ho ba nako ea ho se etse letho-letho. Molao o hanela mesebetsi oa lefatše ka letsatsi la Molimo la phomolo; mesebetsi o u thusang ho phela o lokela ho ema; ha ho mesebetsi oa boithabiso kapa kuno o lumeletsoeng ka Sabatha; empa joalo ka Molimo a ile a khaotsa mesebetsi oa hae oa tlhoho, le ho phomola ka Sabatha le ho e hlohonolofatsa, joale motho o lokela ho tlohela, mesebetsi ea hae ea letsatsi le letsatsi, le ho behella lihora tseo tse halalelang ka thōko phomolong e molemo, ho khumamela, le ho etsa mesebetsi e molemo. Mosebetsi oa Kreste oa ho folisa bakulang o ne o lumellana hantle le molao. O ne o hlompha Sabatha.”—Ellen G. White, *The Desire of Ages*, p. 207.

Lipotso tsa Puisano:

- ❶ Ho hlokomela tikoloho ho fetohile khang e khoho ea sepolotiki linaheng tse ngata. Ke joang re le Baleti ra ka bang liqhoku tse molemo ntle le ho nka mahlokore a lipolotiki?
- ❷ Bosebeletsi bo qala ka kelellong. Ke joang re ka ntšetsang pele kelello ea ho sebeletsa ba re potileng (malapeng a rōna, likerekeng, le metseng) ka cheseho eohle? Ke joang Sabatha se re fang monyetla oa ho khona ho tse joalo hantle?
- ❸ Sabatha ka seng ke sehopotso hore batho bohle ba entsoe ke Molimo. Ho re thusa ho bona batho ka leihlo la Molimo. ke joang Sabatha se re thusang ho hopola hore tsekisano ea semorabe, lipuo, moruo, le bong, ha li ea lokela ha re tla tabeng ea hore re entsoe ka setšoantšo sa Molimo le ho libopuo tsa lerato la hae?